

Ἡμερομηνία ἐκπομπῆς 29-6-62 (ταινία 45)

1.-

" Τ' ὀμμάτοπα σ' γιὰ ῥέμορφα "

Τ' ὀμμάτοπα σ' γιὰ ῥέμορφα τ' ὀφρύδια σ' πογιαμάδες,
γουρπάν σὸ πότ' σ' νά γίντανε ἄμον ἐμέν γιοσμάδες.

Τ' ὀμμάτοπα σ' γιὰ ῥέμορφα, τ' ὀφρύδια σ' εἰν' γαῖτάνια,
γουρπάν σ' ἐσέν νά γίντανε ῥέμορφα παλλημάρια.

Τ' ὀμμάτοπα σ' γιὰ ῥέμορφα, ἀπὲς ἐγάπ' γραμμένον,
ἀνοιξον ἄς ἐλέπ' ἄτα κι' ἡ κάρδια μ' ἐν καμμένον.

2.-

" Τ' ἔρημον τὸ Καραπυρουν "

Τ' ἔρημον τὸ Καραπυρουν, τριῦλ - τριῦλ ταφία,
ἀνοιξτεν καί τερέστ' ἄτα, ὅλα Καρσί παιδία.

Σὴν Ἑλλάδα νά ἔρθαμε, σὴ Θράκης τὸ χαβάσι,
τὸ τσιόλ καί τὸ Καραπυρουν ἔφαεν καί ν' ἐμᾶς - ι.

Θεέ μ' νά ποδεδίζω Σε, βοήθα Παναγία,
πυκνὸν δύσα ἐτσόκεφεν σ' ἔρημον τὴν καρδία μ'.

3.-

" Χαμόμηλον "

Καί ντ' ἐπαθες χαμόμηλον καί στέκεις μαρεμένον,
γιάμ ἡ ρίζα σ' ἐδίφασεν, γιάμ ὁ καρπὸ σ' ἐλλάεν,
γιάμ ἄς σά χαμηλόκλαδα σ' κανέναν ἐζαλίεν.

- Νιὰ ἡ ρίζα μ' ἐδίφασεν, νιὰ ὁ καρπὸ μ' ἐλλάεν,
νιὰ ἄς σά χαμηλόκλαδα μ' κανέναν ἐζαλίεν.

" Ἐναν κορίτσ' κι' ἕναν παιδὶν σὴ ρίζα μ' ἐφιλέθαν,
κι' ἐποίησαν ὄρκον κι' ὀμνισμαν νά μὴ φτάν χωρισίαν,
ἀτώρα ἐχωρίγανε, γιάμ ἔχω ἄς σὸ κρίμαν:.....

4.-

~~Ἡμερομηνία ἐκπομπῆς 29-6-62~~ " Χολομανίτσα "

~~Ἡμερομηνία ἐκπομπῆς 29-6-62~~ Ν' ἀηλί ἐμέν, ν' ἀηλί ἐμέν, ν' ἀηλί ἐμέν μανίτο
τὸ κάρδοπο μ' ἄρ ἔφαεν εἶνας χολομανίτσα
(μικρέσσα τριγωνίτσα)

Ν' ἀηλί ἐμέν τὸν ὀρφανόν, ν' ἀηλί ἐμέν τὸ μαῦρον,
ἔλα Χάρε, ἔπαρ' τὴν ψή μ' σ' ἀποφесνόν τὸ βράδον,
(πῶς θά τρώη με ὁ Χάρον)

Ὀλίγον νοῦντσον γιὰ τ' ἐμέν, κόρη ὄνταν κοιμᾶσαι,
ἔκαφες τὸ καρδόπο μου, θεὸν ποῦ κι' φοᾶσαι.
(κόρη ἀναθεμά σε)

5.-

" Ψηλά-ψηλά ἐπέτανες "

Ψηλά-ψηλά ἐπέτανες καί τίναν ἐνεμείνες,
ἔβράδυνεν ὁ βράδιανον, ἄς ἔρχους ν' ἐδεβήνες.

Ψηλά-ψηλά ἐπέτανες πεντάμορφον κορτσόπον,
κι' ἔξεις βρούλαν καί ἄφιμον σ' ἔρημον τὸ καρδόπο μ'.

Ἐφόρεςες κι' ἐνέλλαξες, σ' ὀμμάτοπα μ' ἐγιάλτσες,
σ' ἔρημον τὸ καρδόπο μου ἄλλ' πιπέρ' ἐτσιάντσες.